

კვლევითი
ინსტიტუტი
Gnomon Wise




კავკასიის ეკონომიკის ყოველთვიური
მიმოხილვა
თებერვალი 2025





ეკონომიკური ზრდა



2023 წელს კავკასიის ეკონომიკის ზრდა 4.4% იყო. 2023 წელს ეკონომიკური ზრდის ტემპის შენელება, რუსეთიდან ადამიანური და ფინანსური კაპიტალის ნაკადების შემცირებასა და, წინა წელთან შედარებით, ნავთობის დაბალ ფასებს უკავშირდებოდა. გასულ წელს ზრდა 6.6%-მდე აჩქარდა, რაც დიდწილად მონეტარული შემსუბუქების შედეგია.


🇦🇷 2023 წელს საქართველოს ეკონომიკა 7.5%-ით გაიზარდა. გასული წლის ეკონომიკურმა ზრდამ 9.5% შეადგინა. ზრდაში მნიშვნელოვანი წვლილი საფინანსო საქმიანობების, პროფესიული, სამეცნიერო და ტექნიკური საქმიანობების, ტრანსპორტისა და დასაწყობების, ვაჭრობის, ინფორმაციის და კომუნიკაციის სექტორებმა შეიტანა. კლება დაფიქსირდა დამამუშავებელ მრეწველობაში.

🇧🇪 2023 წელს სომხეთის ეკონომიკა 9.8%-ით გაიზარდა. 2024 წელს, წინა პერიოდთან შედარებით, ეკონომიკა 8%-ით გაფართოვდა. სომხეთის ეკონომიკურ ზრდაში განსაკუთრებულ როლს სავაჭრო სექტორი თამაშობს, რომელმაც ამ პერიოდში 17%-ით მოიმატა, სამშენებლო დარგმა კი - 14.5% -ით. სოფლის მეურნეობაში ზრდა 1.6% იყო.

🇦🇿 რეგიონში ზრდის ყველაზე დაბალი ტემპი აზერბაიჯანში დაფიქსირდა. 2023 წელს აზერბაიჯანის ეკონომიკა 1.1%-ით გაიზარდა. გასული ზრდამ 4.1% შეადგინა. აზერბაიჯანის ეკონომიკის 33.6%-ს ნავთობისა და გაზის ინდუსტრია იკავებს. ამ ინდუსტრიის გარეშე, ზრდის ტემპმა 6.2% შეადგინა. სოფლის მეურნეობა 1.5%-ით გაფართოვდა.



ინფლაცია და მონეტარული პოლიტიკა



ინფლაციის მაჩვენებელი კავკასიის რეგიონში, ძირითადად, ეკონომიკური ზრდის ტენდენციებს იმეორებს. საუკეთესო მდგომარეობა სომხეთშია, ხოლო ფასების დონის ზრდის შედარებით მაღალი მაჩვენებელი აზერბაიჯანში დაფიქსირდა.

✚ 2024 წელს საქართველოში ინფლაციის ტემპი, წინა წელთან შედარებით, შემცირდა. 2025 წლის იანვარში სამომხმარებლო ფასების წლიურმა ზრდამ 2% შეადგინა. იანვრის ინფლაციაში მაღალი წვლილი სტუმარ-მასპინძლობის სექტორის ფასებმა შეიტანა, რომელიც 6.8% -ით გაიზარდა. თუმცა, რიგ სექტორებში ფასების კლება დაფიქსირდა, მათ შორის, კავშირგაბმულობის ფასები ყველაზე მეტით, 12.5%-ით შემცირდა. ამ ფონზე, ცენტრალურმა ბანკმა, ბოლო გადაწყვეტილებით, რეფინანსირების განაკვეთი 8%-ზე შეინარჩუნა.

🇦🇲 რეგიონში ფასების დინამიკით სომხეთი გამოირჩეოდა. 2025 წლის იანვარში სამომხმარებლო ფასების წლიური ზრდა 1.7% იყო. ყველაზე მაღალი, 7.8%-იანი ზრდა განათლების სექტორში დაფიქსირდა, ხოლო 2.6%-იანი კლება - ტანსაცმლის ფასებზე. სომხეთის ცენტრალურმა ბანკმა მონეტარული პოლიტიკის შემსუბუქება 2023 წელს დაიწყო. ბოლო გადაწყვეტილებით, რეფინანსირების განაკვეთი 6.75%-მდე შემცირდა.

🇦🇷 აზერბაიჯანში ინფლაცია აჩქარდა. 2025 წლის იანვარში სამომხმარებლო ფასების წლიურმა ზრდამ 5.4% შეადგინა. დეკემბერში ეს ნიშნული 4.9% იყო. აზერბაიჯანი რეგიონში შედარებით მაღალი ინფლაციით წინა პერიოდებში გამოირჩეოდა. მიუხედავად ამისა, აზერბაიჯანის ცენტრალური ბანკი პოლიტიკის გამკაცრებისგან თავს იკავებდა. იანვარში მიღებული გადაწყვეტილებით, პოლიტიკის განაკვეთი 7.25%-ზე შეინარჩუნდა.